

2 Tesalonicenses

Pablo ïgu mera majarã mera gojabeoñumi daja Jesu yarã Tesalónica majarãre

¹ Yũhũ Pablo, Silvano mera, Timoteo mera ipũre mũare gojabeogu ïaa. Mũa Tesalónica majarã mari Pagũ yarã ãhraa. Mari Opũ Jesucristo yarã ãhraa mũa.

² Eropigu mari Pagũ Goãmũ, Jesucristo mari Opũ mera mũare õadorea. Ìgu itamuri mera õaro árĩque mũa.

I yebaguere Jesucristo dujarigu dipuwaja moagũcumĩ, arĩ gojañumi Pablo

³ Mũa Jesucristore “Diaye ta iigu ãhrimi,” arĩ umupeorã umupeonemorã árĩ waĩcuabũ. Eropirã mũa gajirãre mahi umupeorã turaro mahi waĩcuabũ. Mũa eropa árĩcũ pee Goãmũre õaro mera serẽro gahmea guare. “Mũhũ erã mera õaro ïaa,” arĩro gahmea Goãmũre.

⁴ Mũa Jesure umupeora waja gajirã mũare erã ñero ïiquerecũ mũa ñero tariquererã Jesure umupeonigui waĩcuabũ. Ìgũre umupeorã duhubirã waĩcuabũ. Mũa eropa ïicũ pee mucubiriri mera werea guã gajirãre Goãmũ yarãre.

⁵ Eropirã mũa Jesure umupeora waja gajirã mera ñero tariquererã Goãmũre umupeoniguicã waĩcuabũ. Goãmũrũ diaye iigu ãhrimi. Eropigu ïgu mũa Ìgũre eropa umupeocũ ïha ïgu Opũ árĩroguere wadoregũcumĩ mũare.

⁶ Īḡu Goām̄u diaye iḡu árīḡu gajirāp̄ure m̄uare ñero iinirāp̄ure erāp̄ure ñero taricū iḡucumi Goām̄u.

⁷ Eropiḡu mari ñero tarinirāre marire soocū iḡucumi mari Op̄u Jesu dujariḡu. Īḡu dujariḡu anyua turarā mera peame ūj̄uro iro dopa de-hyoaḡu ariḡucumi ūmarogue.

⁸ Eropa ariḡu Goām̄ure masibirāre erā ya dipuwaja moaḡucumi. Mari Op̄u Jesucristo ĩḡu ōari buherire tarinuḡanirāre dipuwaja moaḡucumi erāre.

⁹ Eropirā erā erā ya dipuwaja dedererācoma. Peamegue ñero tariniguirācoma. Eropirā erā mari Op̄u Jesu ĩḡu dorerogue ĩḡu ōari árīroguene wamasisome. Eropa ta waroca irin̄ure Jesucristo ĩḡu dujaricū.

¹⁰ Irin̄u ta ĩḡu aricū ĩḡu yarā ĩhamariarā “Diaye ta turaḡu, ōaḡu āhrimi,” arī wereniguirācoma. Eropirā ĩḡure ōaro peenirā ĩḡure ĩarā umupeorācoma ōaro ĩḡure. Muap̄u Jesu yare ḡua buherare ōaro peeab̄u. Eropirā m̄ua sã ĩḡu mera árīrāca.

¹¹ Eropirā Goām̄ure serēniguica ḡua m̄ua ya árīburire. Ōpa arī Goām̄ure serēbasaa ĩḡure m̄uare itamudorerā. “Erā m̄u beyenirā m̄u árīro dopa ta erā árīcū iique,” arī serēbasaa. “Goām̄u, m̄u doreri mera erā ōaro iidiarire erā iicū itamuque. Erā m̄ure umupeorā m̄u gamerire erā iicū iique,” ḡua arī serēbasaa Goām̄ure.

¹² M̄ua eropa Goām̄u gamerire iicū ĩha gajirā sã umupeorācoma mari Op̄u Jesucristo. Eropiḡu Jesucristop̄u m̄uare ōaro ĩaḡucumi. Eropiḡu Goām̄u marire mahiḡu ḡua

arĩ serẽbasaro dopa ta iigũcumĩ mari Opũ Jesucristo mera.

2

Ñeri mera masare weresãgũ dehyoagũcumĩ, arĩ gojañumi Pablo

¹ Dohpague mari Opũ Jesucristo i yebaguere ãgũ dujariborore werenemodiaca yũhũ mũare. Ìgũre mari gamenere bocatĩriburire werediaca. Eropigũ õpa arĩ bũrigã werea mũare, gũa acawererãre.

² Gajirã mũare õpa arĩbocoma: “Mari Opũ ãgũ dujariburinũ, pehrerinũ árĩroque iiaa,” arĩbocoma mũare. Erã eroparĩcũ peerã pee ucabiricãque. Eropirã peerã peewisibiricãque. “Goãmũ yũre eropa ta arĩdi árĩmi,” arĩbocumi mũare gajigũ. Gajigũ sã mũare buhegũ eropa ta arĩbocumi. Gajigũ sã eropa ta arĩ gojabeobocumi, “Yũhũ Pablo ta ãhraa,” arĩ gũya gojabeogũ. Irire mũare weregũre masibea yũhũ.

³ Eropirã gajirã mũare gũyacũ ne peebiricãque. Irinũ Jesucristo dujariburinũ árĩboro core õpa waroca. Bajarã masa Goãmũre cóãrãcoma. Eropigũ ñeri mera masare weresãgũ dehyoamũhtagũcumĩ. Ìgũ dederebu árĩgũ ãhrimi.

⁴ Ìgũ Goãmũre umupeorire, goãmarã sãre umupeorire gamebigũcumĩ. Ìgũ dihtare umupeodregũ “Árĩpehreri weca opũ ãhraa yũhũ,” arĩgũcumĩ ãgũ. Eropigũ ãgũ Goãmũ ya wihi

doagu, “Yuhu ta Goãmu ãhraa,” arĩgucumi ĩgu masare ĩgure umupeodoregu.

⁵ Yuhu mua mera arĩrasubure irire ta werebu. ĴIrire guñari mua?

⁶ Dohpaguere ĩgure ñeri mera masare weresãgure arĩdorebeami dohpa. ĩgure arĩdorebigure masica mua. Queorinu arĩcũ ĩgu ñeri mera masare weresãgu dehyoagucumi.

⁷ Dohpaguere ĩaro mariro ĩgu ñerire mohmenugatuhajacumi. ĩgu ñeri iidiarire arĩpehrerire iimasibeami dohpa. ĩgure arĩdorebigu ĩgu wara puhru arĩpehrerire ñerire iigu ĩgu ñeri mera masare weresãgu dehyoagucumi.

⁸ Eropiira puhru mari Opu Jesucristo ĩgu wereniguri mera ĩgure wejẽcãgucumi. Eropigu Jesupu dujarigu ĩgu dehyoari mera ĩgure wejẽ dedeocãgucumi ĩgure.

⁹ ĩgu ñeri mera masare weresãgupu watĩ dorero mera arigu baja deyoro moaro dopa arĩrere ii guyagucumi masare.

¹⁰ ĩgu eropa arĩpehrerire ii guyacũ peamegue wamorãpu ĩgure peerãcoma. Erã diaye arĩrere gamebirã ãhrima. Erã eropa gamebircũ Goãmu erãre dederemorãre tausome.

¹¹ Eropigu diaye arĩrere gamebirãre Goãmu erãre guyaripure peecũ iigucumi.

¹² Goãmu arĩpehreri diaye arĩrere peedia-birinirãre, ñerire iidianirãre erã ya dipuwaja moagucumi.

Goãmu tuarure beyeñumi ĩgu taumorãre, arĩ gojañumi Pablo

13 Acawererã, mari Opũ mahirã, matague ta Goãmũ mũapũre dederebonirãre ãgũ taumorãre beyerũ mũare. Mũa Espĩritu Santo itamuri mera ñeri mariro mũa árĩmorã sãre beyerũ. Mũa ãgũ yare peemorã árĩmorãre beyerũ. Eropirã ãgũ mũare beyerare guñarã Goãmũre serẽrã “Õhaa,” arĩniguicãro gahmea gũare.

14 Eropigũ iri õari buherire gũa buhera mera Goãmũ mũare ãgũ yarã árĩcũ iimi mari Opũ Jesucristo ãgũ õari oparire mũa sã opaboro dopa.

15 Eropirã õaro guñaturarã árĩque mũa. Eropirã gũa wereniguiri mera gũa gojabeorapũri mera iri buherire õaro guñaque mũa. Eropirã iri buherire tarinũgabiricãque.

16 Mari Opũ Jesucristo ãgũ basi Goãmũ mari Pagũ mera marire mahigũ, mũuri nũcũ marire mucubiricũ iimi. Marire mahigũ peamegue wabonirãre taugũcumi marire. Eropirã Goãmũ ãgũ tauborore õaro masi mucubiria mari.

17 Eropigũ Jesucristo mari Pagũ mera mũare sĩporã turaniguicũ iiporo. Eropigũ mũa ãgũ yare duhubiricũ iiporo. Árĩpehreri õari iirire õari wereniguiri sãre mũare iicũ iiporo.

3

Gũa ya árĩburire Goãmũre serẽbasaque, arĩ gojañumi Pablo

1 Acawererã, dohpague gũa ya árĩburire Goãmũre serẽbasaque. Mari Opũ buheri cãhmotaro mariro bajarã masare buheburire serẽbasaque. Eropirã ãgũ buherire mũa õaro gamediro dopa ta gajirã bajarãpũ iri buherire

umupeori mera erã gameboro dopa serẽbasaque mũa Goãmure.

² Gajirã Jesure umupeobeama. Eropirã erã Jesure umupeobirã ñerã masa guare erã ñero iidiarire Goãmure serẽbasaque guare igũ ita-muboro dopa.

³ Mari Opũ ðagũ igũ werediro dopa ta iimurimi igũ. Eropigũ mũare igũre umupeocũ iigũcumi. Eropigũ mũa ñero iibiriburire igũ mũare cãhmotagũcumi.

⁴ Igũ mũare igũ eropa cãhmotarare masia gũa. Eropirã mũare gũa dorediro dopa ta iiaa mũa. Eropirã irire iirãca daja mũraro ta. Iri sãre masia gũa.

⁵ Eropigũ mari Opũ Goãmũ igũ mũare mahirire mũare masicũ iiporo. Eropigũ Cristo ñero taririsubu igũ sĩporã turadiro dopa ta mũa sãre sĩporã turaniguicũ iiporo mari Opũ.

Marire turaro mohmero gahmea, arĩ gojañumi Pablo

⁶ Jesucristo mari Opũ igũ dorero mera õpa dorea mũare: Mũa Jesu yarã mera majarã mohmediabirãre gũa dorerire iibirãre wapicũbircãro gahmea. Eropa ñacãque erãre.

⁷ Sohõ arĩrasubu mũa mera gũa arĩrasubure gũa turaro mohmecũ ñabũ mũa. Eropirã gũa iidiro dopa ta mũa sãre mohmero gahmea. Mũa basi irire õaro masia.

⁸ Eropirã mũa barire waja mariro ne babirabũ. Eropirã umuri nũcũ, ñamiri sãre bũrigã mohmemurabũ gũa mũare barire serẽri arĩã.

⁹ Gũa mũare buhera waja mũare wajayedore-boaya gũa. Wajayedorebirã gũa basi buriã mohmeabũ mũa gũare ãhacũburire.

¹⁰ Mũa mera áĩrasubu õpa arĩ buheabũ mũare: “Mohmebigũ babiricãporo,” arĩ buhemurabũ gũa mũare.

¹¹ Yujurãyeri mũa mera majarã ne mohmebi-rañorã. Eropirã gajirãre serẽrã garibotariañorã erã.

¹² Eropirã mohmediabirãre mari Opũ Jesu-cristo dorero mera õpa arãa: “Erã yare ãha erã basi mohmeporo erã baburire,” arãa yũhũ.

¹³ Gũa acawererã, mũapũ õarire iiniguirã gariborebiricãque.

¹⁴ Eropirã ero majarã yujugũ ire gũa gojabeo dorerare tarinũgacũ ãha masi ãgũre wapicũbiricãque. ãgũ ñero iira mera ãgũ gũhyasũuro pepiboro dopa ãgũre wapicũbiricãque.

¹⁵ ãgũre wapicũbiriquererã ãgũre ãhaturibiricãro gahmea. ãgũ mũa acaweregũ Jesu yagũ ta ãhrimi. Eropirã ãgũ tarinũgagũre õaro wereque ãgũre ãgũ dipaturi irire iibirimaja õaro dopa.

Pablo gojatuñumi

¹⁶ Mari Opũ marire õaro áĩcũ iigu mera mũuri nũcũ õaro áĩque mũa. Eropigu “Mari Opũ mũa áĩpehrerã mera áĩporo,” arĩgũ mũare õadoreã.

¹⁷ Dohpaguere yũ basi ta gojatugũ iiaa. Eropigu mũare õadoreã. Áĩpehreri pũrire yũ gojabeori pũrire õpa ta arĩ gojatuhã yũhũ.

Eropa gojatura pũhrũ yũ basi iripũre arĩ gojagũ
árĩcũ masirãca mũa.

¹⁸ Mari Opũ Jesucristo ãgũ mahiri mera
burigã õadorea mũare árĩpehrerãre. Eropa ta
árĩniguicãporo. Iripẽta ãhraa.

Desano

Desano: Goñmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source files dated 1 May 2025

17771afc-c309-57fd-9ff3-2d5a0cd59ff1